


სამოსამართლო გამოცდილების მქონე მოსამართლეობის კანდიდატის შეფასების ფორმა

მოსამართლეობის კანდიდატის სანდო გიორგაშვილის შეფასების შედეგი:

მოსამართლეობის კანდიდატის შეფასება კეთილსინდისიერების კრიტერიუმის მიხედვით			
მოსამართლეობის კანდიდატი არ აკმაყოფილებს კეთილსინდისიერების კრიტერიუმს		<input type="checkbox"/>	
მოსამართლეობის კანდიდატი აკმაყოფილებს კეთილსინდისიერების კრიტერიუმს		<input type="checkbox"/>	
მოსამართლეობის კანდიდატი სრულად აკმაყოფილებს კეთილსინდისიერების კრიტერიუმს		<input checked="" type="checkbox"/>	
მოსამართლეობის კანდიდატის შეფასება კომპეტენტურობის კრიტერიუმის მიხედვით			
კრიტერიუმი	მიღებული ქულა	მაქსიმალური ქულა	
სამართლის ნორმების ცოდნა	15	20	
სამართლებრივი დასაბუთების უნარი და კომპეტენცია	16	20	
წერის უნარი	15	20	
ზეპირი კომუნიკაციის უნარი	10	15	
პროფესიული თვისებები, მათ შორის, ქცევა სასამართლო დარბაზში	10	15	
აკადემიური მიღწევები და პროფესიული წვრთნა	2	5	
პროფესიული აქტივობა	2	5	
ქულათა ჯამი	70	100	

სახელი, გვარი: ნინო ქადაგიძე  
თარიღი: 12.09.2024 წ.



# საქართველოს იუსტიციის უმაღლესი საბჭოს თავმჯდომარე

## ნინო ქადაგიძე

საქართველოს იუსტიციის უმაღლესი საბჭოს 2024 წლის 22 ივლისის №1/74 განკარგულებით დაწყებულ, სააპელაციო და საქალაქო სასამართლოებში არსებულ მოსამართლის ვაკანტურ თანამდებობებზე კონკურსში მონაწილე კანდიდატის - სანდრო გიორგაშვილის

### შეფასება

#### 1. პროცედურის შესახებ:

1.1. საქართველოს იუსტიციის უმაღლესი საბჭოს (შემდგომში - საბჭო) 2024 წლის 22 ივლისის №1/74 განკარგულებით, სააპელაციო და საქალაქო სასამართლოებში არსებულ მოსამართლის ვაკანტურ თანამდებობებზე დაიწყო კონკურსი მოსამართლების შესარჩევად.

1.2. საბჭოს 2024 წლის 15 აგვისტოს №1/81 განკარგულებით, მითითებულ კონკურსში დარეგისტრირდა 20 პირი, მათ შორის - სანდრო გიორგაშვილი.

1.3. საბჭოს შესაბამისმა სამსახურმა, „საერთო სასამართლოების შესახებ“ საქართველოს ორგანული კანონის (შემდგომში - ორგანული კანონი) 34<sup>2</sup> მუხლით დადგენილი წესით, მოიპოვა ინფორმაცია კონკურსში მონაწილე კანდიდატთა შესახებ, რომელიც გასაცნობად წარმოგვედგინა საბჭოს წევრებს ორგანული კანონის 34<sup>3</sup> მუხლის მე-9 პუნქტით დადგენილი წესით. აღნიშნულ ინფორმაციას გავეცანი დეტალურად.

1.4. საჯარო მოსმენის დასრულების შემდეგ კანდიდატთა შეფასების წესი განსაზღვრულია ორგანული კანონის 34<sup>4</sup> მუხლის მე-11 პუნქტით;

1.5. კანდიდატი შევაფასე თრგანული კანონის 35<sup>5</sup> მუხლით განსაზღვრული კეთილსინდისიერების კრიტერიუმის 5 (ხუთი) მახასიათებლის მიხედვით და, ორგანული კანონის 35<sup>6</sup> მუხლის მე-15 პუნქტის საფუძველზე, ამ მახასიათებელთა ანალიზისა და შეჯერების საფუძველზე, შევადგინე საბოლოო დასკვნა კანდიდატის კეთილსინდისიერების შესახებ. ყოველი მახასიათებლის მიხედვით შეფასება დავაფუძნე კანონმდებლობით განსაზღვრული ცალკეული კომპონენტების ანალიზსა და შეჯერებას, შემდეგნაირად: თუ კანდიდატი ყველა ამ კომპონენტის მიმართ დადებითად შეფასდა, გავაკეთე დასკვნა, რომ კანდიდატი „სრულად აკმაყოფილებს“ მახასიათებელს; თუ კომპონენტებიდან არაუმეტეს ორის მიმართ შეფასება

უარყოფითი იყო, გავაკეთე დასკვნა, რომ კანდიდატი „აკმაყოფილებს“ მახასიათებელს; ხოლო თუ სამი ან მეტი კომპონენტის შეფასება აღმოჩნდა უარყოფითი, მივიჩნიე, რომ კანდიდატი „არ აკმაყოფილებს“ მახასიათებელს.

1.6. კანდიდატი შეფასე კომპეტენტურობის კრიტერიუმის 7 (შვიდი) მახასიათებლის მიხედვით, თითოეული მახასიათებლისათვის ორგანული კანონის 35<sup>1</sup> მუხლის მე-17 პუნქტით განსაზღვრული ქულების მინიჭების და თითოეული ამ ქულის დასაბუთების გზით.

### I. ინფორმაცია კანდიდატის შესახებ

სახელი, გვარი - სანდრო გიორგაშვილი

ასაკი: 61 წელის

განათლება: უმაღლესი, იურიდიული, მაგისტრი (თსუ, 1986 წელი)

სპეციალობით მუშაობის გამოცდილება: 31 წელი

### II. მოსამართლეობის კანდიდატის შეფასება კეთილსინდისიერების კრიტერიუმის მიხედვით

კეთილსინდისიერების კრიტერიუმებით მოსამართლეობის კანდიდატის, სანდრო გიორგაშვილის შეფასებისას გაეითვალისწინე „საერთო სასამართლოების შესახებ“ საქართველოს ორგანული კანონის 35<sup>1</sup> მუხლით დადგენილი მახასიათებლები:

1. პიროვნული კეთილსინდისიერება და პროფესიული სინდისი;
2. დამზუკილებლობა, მიუკერძოებლობა და სამართლიანობა;
3. პიროვნული და პროფესიული ქცევა;
4. პიროვნული და პროფესიული რეპუტაცია;
5. ფინანსური ვალდებულება.

### 1. პიროვნული კეთილსინდისიერებისა და პროფესიული სინდისის მახასიათებელი

- კანდიდატის შეფასებისას გაითვალისწინება პირის, როგორც მოსამართლისა და მოქალაქის პატიოსნება, კეთილსინდისიერება, მოვალეობებისა და პასუხისმგებლობის შესაბამისი შეგნება, სიმართლისმოყვარეობა, გამჭვირვალობა, კორექტულობა და სიზუსტე სამსახურებრივი თუ სხვა მოვალეობების, ფინანსური თუ სხვა ვალდებულებების შესრულებისას (მაგალითად, ქონებრივი დევლარაციის შევსებისას, ბანკის ან სხვა ვალის, კომუნალური ან სხვა გადასახადის გადახდისას, საგზაო მოძრაობის წესების დარღვევისათვის ჯარიმის გადახდისას) და სხვა.

მოძიებული ინფორმაციის თანახმად:

- რეკომენდატორები გამოთქვამენ მოსაზრებებს კანდიდატის კეთილსინდისიერებასა და კომპეტენტურობაზე. გამოარჩევენ კანდიდატის მაღალი პასუხისმგებლობის გრძნობას, კომუნიკაციურობას, შრომისმოყვარეობას, კოლეგიალურობას, გულისხმის გრძნობას, საქმისადმი ერთგულებას, პრინციპულობას, ანალიტიკურ აზროვნებას და ა.შ. ერთ-ერთი რეკომენდატორი სისუსტესა და ნაკლოვანებში უთითებს ზოგიერთ შემთხვევაში კანდიდატის გადაჭარბებულ ლობის გადაჭარბებას.

- გამოკითხული რესპონდენტები კანდიდატის პირად თვისებებს და პროფესიულ საქმიანობას იცნობენ კარგად. რესპონდენტების აზრით, კანდიდატი სრულად აკმაყოფილებს კეთილსინდისიერების კრიტერიუმს. კომპეტენტურობის კრიტერიუმით რესპონდენტები კანდიდატს აფასებენ ძალიან კარგად.

- სანდრო გიორგაშვილს სახელმწიფო ბიუჯეტის მიმართ არ ერიცხება დაფალიანება, აქვს მიმდინარე სესხი და დადგებითი საკრედიტო ისტორია. წარმოდგენილი ინფორმაციით არ იყვეთება კანდიდატის სხვა შეუსრულებელი ვალდებულების არსებობის ფაქტი. დეკლარაციის შევსებისას კანონის მოთხოვნის დარღვევის ფაქტი გამოვლენილი არ არის.

- სანდრო გიორგაშვილს უფიქსირდება საქართველოს ადმინისტრაციულ სამართალდარღვევათა კოდექსით გათვალისწინებული სამართალდარღვევის 8 ფაქტი. დავისრებული სანქციები გადახდილია დროულად.

წარმოდგენილი და შესწავლილი ინფორმაცია მაძლევს საფუძველს, კეთილსინდისიერების მითითებულ მახასიათუბელში კანდიდატი შევაფასო დადებითად.

**2. დამოუკიდებლობის, მიუკერძოებლობისა და სამართლიანობის მახასიათებლით კანდიდატის შეფასებისას** - გაითვალისწინება მისი პრინციპულობა, გადაწყვეტილების დამოუკიდებლად მიღების უნარი და ზეგავლენის მიმართ მედეგობა, პიროვნული სიმყარე და შეუვალობა, პოლიტიკური ან სხვა ნიშნით მიუკერძოებლობა, სამართლიანობა და სხვა.

სანდრო გიორგაშვილი არ ყოფილა არცერთი პოლიტიკური პარტიის წევრი/მხარდაჭერი/შემომწირველი.

მომიებული ინფორმაციის თანახმად 2008 წლის 21 მაისის საპარლამენტო არჩევნებზე კანდიდატი სანდრო გიორგაშვილი ყვარლის მაჟორიტარი დეპუტატობის კანდიდატად იქნა წარდგენილ ცხრა ოპოზიციური პარტიისგან შემდგარი ბლოკის მიერ.

გასაუბრების შედეგად კანდიდატს არ გამოუვლენია რაიმე სახის ტენდენციური დამოუკიდებულება ადამიანთა სხვადასხვა ჯვალის მიმართ.

რაც მაძლევს საფუძველს, კეთილსინდისიერების მითითებულ მახასიათებლში კანდიდატი შევაფასო დადებითად.

**3. პიროვნული და პროფესიული ქცევის მახასიათებლით კანდიდატის შეფასებისას** - გაითვალისწინება მის მიერ სამოსამართლო ეთიკის დაცვა, მისი კორექტულობა კოლეგებთან და სხვა პირებთან ურთიერთობისას, მოსამართლის მაღალი წოდების შესაბამისი ქცევა და იმიჯი, თავდაჭერილობა, საკუთარი ემოციების მართვის უნარი, ქცევა მის მიმართ დისციპლინური სამართალწარმოების მიმდინარეობისას, მხარედ მისი

მონაწილეობით სასამართლოში წარმართული დავები, მის წინააღმდეგ სისხლისამართლებრივი ბრალდებების არსებობა და სხვა.

სანდრო გიორგაშვილის მიმართ არ განხორციელებულა დისციპლინური დევნა და არ მიმდინარეობს ადმინისტრაციული წარმოება.

- საქართველოს საერთო სასამართლოებში წარმოებულ დავებში მოსამართლეობის კანდიდატი სანდრო გიორგაშვილის მხარედ მონაწილეობის თაობაზე ინფორმაცია ელექტრონული საქმისწარმოების საძიებო სისტემაში არ იძებნება.
- კანდიდატი დაზარალებულად არ ყოფილა ცნობილი.
- რეკომენდატორები მიუთითებენ კანდიდატის კოლეგიალურობასა და გულისხმიერებაზე.

ზემოაღნიშნული მამლევს საფუძველს, კეთილსინდისიერების მითითებულ მახასიათებელში კანდიდატი შევაფასო დადებითად.

**4. პიროვნული და პროფესიული რეპუტაციის მახასიათებლით კანდიდატის შეფასებისას** - მხედველობაში მიიღება მისი საქმიანი და მორალური რეპუტაცია, ავტორიტეტი იურიდიულ წრეებსა და საზოგადოებაში, იურიდიულ წრეებთან ურთიერთობის ხასიათი და ხარისხი და სხვა.

მნიშვნელოვანია, რომ კანდიდატი სარგებლობის კარგი პიროვნული და პროფესიული რეპუტაციით კოლეგებს შორის. არის კორექტული და გაწონასწორებული. გამოკითხული რესპონდენტები კანდიდატს ახასიათებენ მაღიან კარგად, ისინი ყურადღებას ამახვილებენ კანდიდატის სამართლიანობაზე, კეთილსინდისიერებაზე, კომპეტენტურობაზე, კოლეგიალურობაზე, პრინციპულობაზე და ა.შ., რაც მამლევს საფუძველს, კეთილსინდისიერების მითითებულ მახასიათებელში კანდიდატი შევაფასო დადებითად.

**5. ფინანსური ვალდებულებების მახასიათებლით კანდიდატის შეფასებისას** გაითვალისწინება ინფორმაცია მისი შემოსავლის წყაროს, აქტივების, საკუთრებაში ან/და სარგებლობაში არსებული ქონების და ამ ქონებისა და შემოსავლის შესაბამისი ვალისა და ვალდებულების შესახებ.

ფინანსური ვალდებულებების შემოწმებისას არ გამოვლენილა ის შესაძლო საფრთხეები, რამაც შეიძლება ეჭვეჭვე დააყენოს კანდიდატის რეპუტაცია, ამდენად, ამავე მახასიათებელში კანდიდატი უნდა შეფასდეს დადებითად.

ზემოაღნიშნული მახასიათებლების ანალიზისა და შეჯერების შედეგად მივიჩნევ, რომ კანდიდატი სრულად აკმაყოფილებს კეთილსინდისიერების კრიტერიუმის.

### **III. მოსამართლეობის კანდიდატის შეფასება კომპეტენტურობის კრიტერიუმის მიხედვით**

კომპეტენტურობის კრიტერიუმით მოსამართლეობის კანდიდატის, სანდრო გიორგაშვილის შეფასებისას გავითვალისწინე „საერთო სასამართლოების შესახებ“ საქართველოს ორგანული კანონით დადგენილი მახასიათებლები:

1. სამართლის ნორმების ცოდნა;
2. სამართლებრივი დასაბუთების უნარი და კომპეტენცია;
3. წერის უნარი;
4. ზეპირი კომუნიკაციის უნარი;
5. პროფესიული თვითსეღვები, მათ შორის, ქვევა სასამართლო დარბაზში;
6. აკადემიური მიღწევები და პროფესიული წვრთნა;
7. პროფესიული აქტივობა.

## 1. სამართლის ნორმების ცოდნის მახსიათებელი

გავანალიზე გასაუბრების შედეგები და მივიჩნევ, რომ კანდიდატმა ვერ წარმოაჩინა სამართლებრივი ნორმების, სასამართლო პრაქტიკის, ადამიანის უფლებათა ევროპული სასამართლოს პრეცედენტული სამართლისა და საერთაშორისო სამართლის საფუძვლების ცოდნა.

რაც შეეხება გასაუბრების პროცესს, ამ შემთხვევაში სამართლის ნორმების ცოდნას ვაფასებ ორივე კონკურსის პირობებში კანდიდატის მიერ გაცემული პასუხების ანალიზის საფუძველზე. კანდიდატმა ვერ ისაუბრა უშაულო დემოკრატიის პრინციპებზე; სახალხო სუვერენიტეტის პრინციპზე; ადამიანის უფლებათა ევროპული კონვენციის მე-3 მუხლით დაცულ უფლებაზე; სამოქალაქო და ადმინისტრაციული სამართლის პრინციპებზე; სისხლის სამართლის პრინციპებზე. ბრალის გამომრიცხავ გარემოებებზე.

ზედაპირული და არასრულყოფილი იყო პასუხი, რომელიც დაისვა არასრულწლოვანთა მართლმსაჯულების კოდექსის თაობაზე, ამსრულებლის ექსცესის თაობაზე.

კანდიდატი არ იცნობს საქართველოს უზენაესი სასამართლოს პრაქტიკას, ადამიანის უფლებათა ევროპული სასამართლოს გადაწყვეტილებებს, „საერთო სასამართლოების შესახებ“ საქართველოს ორგანულ კანონში განხორციელებულ ცვლილებებს.

რაც მაძლევს საფუძველს, აღნიშნულ მახსიათებელში კანდიდატი შევაფასო - 15 ქულით.

## 2. სამართლებრივი დასაბუთების უნარისა და კომპეტენციის მახსიათებელი

კანდიდატი გააჩნია იურიდიულ სფეროში მუშაობის 31 წლიანი და მოსამართლედ მუშაობის 11 წლიანი გამოცდილება.

ზეპირი გასაუბრების პროცესში კანდიდატმა დასაბუთების მაღალი უნარი ვერ გამოავლინა.

აღნიშნული გარემოებები მაძლევს საფუძველს, ამ მახსიათებელში კანდიდატი შევაფასო - 16 ქულით.

## 3. წერის უნარის მახსიათებელი

კანდიდატის მიერ წარმოდგენილია 2003-2004 წლებში მისი სამოსამართლეო საქმიანობის პერიოდში მიღებული გადაწყვეტილებები და განაჩენები, რაც გარკვეულწილად აკმაყოფილებს იმ პერიოდისათვის მოქმედ სასამართლო აქტების დასაბუთების სტანდარტს.

აღნიშნული გარემოებები მაძლევს საფუძველს, ამ მახსიათებელში კანდიდატი შევაფასო - 15 ქულით.

## 4. ზეპირი კომუნიკაციის უნარის მახსიათებელი

კანდიდატის პასუხები გასაუბრების პროცესში არ იყო მწყობრი და დასაბუთებული.

აღნიშნული მაძლევს საფუძველს, ამ მახასიათებელში კანდიდატი შევაფასო - 10 ქულით.

5. პროფესიული თვისებების, მათ შორის, სასამართლო დარბაზში ქცევის, მახასიათებელი კანდიდატის მხრიდან მხარებისა და პროცესის მონაწილეთა მიმართ უდიერი ან არაკორექტული დამოკიდებულება გამოვლენილი არ არის.

აღნიშნული მაძლევს საფუძველს, ამ მახასიათებელში კანდიდატი შევაფასო - 10 ქულით.

6. აკადემიური მიღწევებისა და პროფესიული წვრთნის მახასიათებელი

სანდო გორგაშვილს მონაწილეობა აქვს მიღებული შემდეგ ღონისძიებებში:

- სემინარი სისხლის სამართლის საქმეებზე საერთაშორისო თანამშრომლობის თემაზე - საქართველოს გენერალური პროკურატურა
- სამართლიანი სასამართლოს სტანდარტები (ადამიანის უფლებათა ევროპული კონვენციის მე-6 მუხლი) - საქართველოს გენერალური პროკურატურა 2018 წ.
- არასრულწლოვანთა მართლმსაჯულება - საქართველოს გენერალური პროკურატურა
- ნაფიც მსაჯულთა სასამართლო - საქართველოს გენერალური პროკურატურა

აღნიშნული გარემოებები მაძლევს საფუძველს, ამ მახასიათებელში კანდიდატი შევაფასო - 2 ქულით.

7. პროფესიული აქტივობის მახასიათებელი

წარმოდგენილი ინფორმაციის თანაბმად, კანდიდატი არ ეწევა პედაგოგიურ საქმიანობას.

აღნიშნული მაძლევს საფუძველს, ამ მახასიათებელში კანდიდატი შევაფასო - 2 ქულით.

ზემოაღნიშნული მახასიათებლების ანალიზისა და შეჯერების შედეგად, კომპეტენტურობის კრიტერიუმის მიხედვით კანდიდატს ჯამში ვაფასებ - 70 ქულით.

სახელი, გვარი: ნინო ქადაგიძე

თარიღი: 12.09.2024 წ.

6.  
